

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

C.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

A. 1572.

PARS QUARTA.

427

minus, cui me meaq; omnia resigno, quem scio Ecclesiae suae non defuturum, cum sua sponte vigilet. Interea me tuis sanctis precibus commendo, & te gratiae DEI, cum uxore toraque familia, M. Pappo & Collegis. Salutant te reverenter mei symmistae. Scripsi Basileae 13. Aprilis, Anno 1572.

T. d. totus

Sulcerus.



C.

S Magna cum voluptate literas tuas, licet breves, perlegi, vir clarissime, frater reverende; eò quod non obscure ex iis intellexi, in meliorem statum res Saxonicas paulatim transferri, idque singulari Domini beneficio, qui dedit, ut Elector curam Religionis sinceram apud suos susceperit, bonorum cordatorumque virorum monitionibus sanctis excitatus. Dabit idem, ut detestata corruptela solidius caveantur & arceantur. Sed & quod Concordiae negotium auspiciis optimis opera tua indefessa ceptum feliciter procurrit, merito laetamur omnes, qui Ecclesiae aedificationem quarunt, quae in tanta distractione nulla certe potuit esse: eòque magis precor Dominum, ut quod cepit opus bonum per te, suum ad id electum organum, ad finem usque perducatur salutarem, quo desinant aliquando & Papista & fanatici, de infelicibus nostrorum certaminibus gloriari, & confusionem reportent suae debitae impietati. Rectè verò & sapienter facis, quod scriptum paras, quo potius veritatis liquidam declarationem, quam conflictum contra adversarios instituis. Multò enim fructuosius mordaces calumniae ab ipsis effulse reprimuntur ea ratione, quam si easdem calumniis compensares. Nam quae cordata sunt ingenia, cum veritate pacem conjunctam amant. Gratissimum feceris, si, ubi in lucem prodierit tuus labor, ut mihi communices meis impensis. Doctorem Marbachium, virum optimum & clarissimum, quae habeant sollicitum, ex literis ipsius intellexi. Jacturam certè inestimabilem scholae & Ecclesiae cepit ex consulis Mieji, singularis columnis, obitu: sed quia non nihil recuperata est valetudo Marbachii, futurum spero. ut quae sunt sinistra molimina per singularem viri sapientiam & auctoritatem discutiantur. Accessit ad luctum communem alterius scholarum, viri verè Nobilis, improvisa aegritudo, pro quo debemus vota omnes Christo nuncupare, ut miseris Ecclesiae eundem restituat & conservet, ne dolorem habeant super dolorem. Si quid per nos & Collegas praestari ad ejus scholae Ecclesiaeque incolumitatem posset, non sumus defu-

Ggg. 3.

defuturi officio. Bene vale, clarissime vir, cum uxore totaque familia & Collegis.
 Scripsi Basil. 14. April. An. 72.

R. d. 1. 1611

S. Sulcerus.

Inscriptio.

Clarissimo viro, doctrina & pietate praestantissimo, D. D. Jacobo
 Andrea, Sacrae Theologiae Doctori, Academiae Tubingensis Can-
 cellario, Domino & fratri colendissimo & charissimo
 suo.

CL.

Salutem in Domino.

Non dubito, Clarissime, doctissimeque, Vir, Domine frater in Christo honorando, quin Excellentia tua una nobiscum magno cum dolore indies percipias, quam male Wittebergenses Theologi in sinceræ doctrinae studio proficiant. Eo enim jam ventum est, ut etiam in articulo Cænae Dominicæ non modo vacillent, sed & non obscure Cinglianizent, doctrinamque de Majestate hominis Christi à D. Luthero, piæ memoriæ, D. Brentio, à tua etiam Excel. aliisque bonis & doctis viris explicatam, & sacris literis confirmatam, cum in aliis suis scriptis maledicis fæde, tum vero circa finem Dresdensis confessionis virulentissime proscindant. Quare non putarunt Domini Collegæ mei, injuriam tam atrocem veritati illatam, dissimilandam. Adornavimus igitur scripturam Apologeticam satis modestam, quo & veritas doctrinae cœlestis asseritur, & calumniæ diluuntur. Cum autem aliquandiu incertum esset, an id scriptum sine impedimento posset prodire in lucem, adornavi ego interea hæc, quæ mitto, scripta, non dissentientia à comuni nostro opere, sed tamen breviora, & ad docendos plane rudes accommodata. Id feci bono animo, ut simpliciores docerentur, & ut sana doctrina à calumniis vindicaretur, imprimis verò, ut serpenti Cinglianismo aliquod etiam impedimentum objicerem, quo minus multorum simplicium animos fascinaret. Utrumque placuit Dominis Professoribus, Theologis, in schola Tubingensi, & ædenda primo quoque tempore judicantur, sperantes non nihil utilitatis inde ad Ecclesiam rediturum. Cum autem nostra Typographia aliàs jam male sit instructa, mortuo nimirum ante paucos menses ordinario typographo, Osvaldo Gruppenbachio, Georgii Gruppenbachii fratre, ita ut integro mente & eo amplius commune nostrum scriptum Tubingæ absolvi non possit, volui interea hæc occasione exemplar mei scripti ad Excel. tuam mittere, ut Exc. tua typis excudendum apud vos committeret. Erit id mihi vehementer gratum, præsertim si cæm-